


## Apostujt Androniku e Junia nga të 70-t



E hënë, 17 maj 2021 – Shenjtori i ditës.

KRISHTI U NGJALL!

Apostujt Androniku e Junia nga të 70-t. Dëshmorët Solohomi, Pamfamiri, Pamfili. Oshënare Efrosina në Moskë.

– Apostujt Androniku e Junia nga të 70-t –

Emrat e tyre përmenden nga apostull Pavli në Letrën drejtuar Romakëve (16,7), i cili i quan edhe “kushërinjtë e mi” dhe i lavdëron si të shkëlqyer mes apostujve. Junia ishte gruaja e Andronikut. Lindën në besimin jude, por në Jerusalem u bënë të krishterë.

Më pas u bënë dishepuj të apostull Pavlit. Kaluan edhe ata në sprovat e vështira të apostullit, kthyen shumë paganë në besim, përmbysën idhujt e tyre, shëruan të sëmurë nëpërmjet fuqisë së Shpirtit të Shenjtë. Rreth vitit 58, u kapën dhe u dërguan në Romë, i martirizuan dhe kështu fituan kurorën e pafishkur.

[Kisha Orthodhokse Autoqefale e Shqipërisë](#)